

**KJKP "RAD" d.o.o. SARAJEVO**

**-DIREKTOR-**

**Broj: 05-03-04- /19**

**Sarajevo, 12.06.2019. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi

## **ODLUKU**

### **o izboru najpovoljnijeg ponuđača za nabavku odbojne ograde sa ugradnjom – LOT 3**

#### **I**

Poništava se Odluka o izboru najpovoljnijeg ponuđača za nabavku odbojne ograde sa ugradnjom broj 05-03-04-9144/19 od 28.05.2019. godine.

#### **II**

Kao najpovoljnijeg ponuđača za nabavku odbojne ograde sa ugradnjom, odabiram ponudu ponuđača "SACOM" d.o.o. Sarajevo.

## **OBRAZLOŽENJE**

KJKP "RAD" je dana 28.03.2019. godine na portalu javnih nabavki BiH objavilo Obavještenje o nabavci kroz otvoreni postupak sa međunarodnom objavom obavještenja za izbor najpovoljnijeg ponuđača za nabavku ostalih građevinskih materijala i opreme, sa rokom dostave ponuda 08.05.2019. godine.

Po otvorenom postupku za nabavku pristigle su dvije (2) ponude i to ponude ponuđača „SACOM“ d.o.o. Sarajevo i Konzorcijuma „PROVIA“ d.o.o. Bijeljina i „VERKERING“ d.o.o. Novi Sad.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je da su ponude ovih ponuđača potpuno prihvatljive budući da su ponuđači dostavili svu zahtjevanu dokumentaciju.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji te dala preporuku Ugovornom organu da provede E-aukciju dana 27.05.2019. godine, u skladu sa informacijama o procesu E-aukcije datim u Tenderskoj dokumentaciji. Nakon provedene E-aukcije, tokom koje nije bilo podnošenja ponuda, utvrđena je konačna rang lista ponuđača a u skladu sa Izvještajem o toku i završetku E-aukcije.

Konačna rang lista ponuđača:

1.Konzorcijum „PROVIA“ d.o.o. Bijeljina i „VERKERING“ d.o.o. Novi Sad  
Cijena (39.350,00 KM)

2.“SACOM” d.o.o. Sarajevo  
Cijena (50.220,00 KM)

Komisija je, u skladu sa istom, obzirom da je kriterij za dodjelu ugovora bio najniža cijena dala prijedlog Ugovornom organu da ponudu ponuđača Konzorcijuma „PROVIA“ d.o.o. Bijeljina i „VERKERING“ d.o.o. Novi Sad prihvati kao najpovoljniju, budući da je dostavio svu potrebnu dokumentaciju i ponudio ukupnu cijenu od 39.350,00 KM bez uračunatog PDV-a. Ugovorni organ je u skladu sa prijedlogom Komisije dana 28.05.2019. godine donio Odluku broj 05-03-04-9144/19 kojom je kao najpovoljnija, prihvatljiva i potpuna ponuda odabrana ponuda ponuđača Konzorcijuma „PROVIA“ d.o.o. Bijeljina i „VERKERING“ d.o.o. Novi Sad.

Dana 31.05.2019. godine odabranom ponuđaču dostavljena je navedena odluka, a na osnovu koje je ponuđač bio u dužnosti da dostavi dokaze kojima potvrđuje da ispunjava uslove iz člana 45. Zakona o javnim nabavkama BiH, i to u roku od 5 (pet) dana.

Odabrani ponuđač nije u roku od 5 (pet) dana dostavio dokaze kojima potvrđuje da ispunjava uslove iz člana 45. Zakona o javnim nabavkama BiH, te se smatra da je dao lažnu izjavu o ispunjavanju uslova iz člana 45. Zakona o javnim nabavkama BiH.

Obzirom da ponuđač Konzorcijum „PROVIA“ d.o.o. Bijeljina i „VERKERING“ d.o.o. Novi Sad, koji je odabran kao najpovoljniji, nije postupio shodno sa odredbama Zakona o javnim nabavkama BiH i Tenderske dokumentacije, Komisija daje prijedlog Ugovornom organu da se poništi Odluka o izboru najpovoljnijeg ponuđača za nabavku odbojne ograde sa ugradnjom broj 05-03-04-9144/19 od 28.05.2019. godine, te da se kao najpovoljniji odabere drugorangirani ponuđač „SACOM“ d.o.o. Sarajevo.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

**PRAVNA POUKA:**

Protiv ove Odluke može se uložiti žalba Ugovornom organu, odnosno KJKP „RAD“ d.o.o., u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka

**v.d.DIREKTOR KJKP „RAD”**  
Vera Arnautović, dipl. pravnik

**DOSTAVITI:**

- Ponuđačima;
- a/a